



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԳՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77

N 9/11/51

< 02 > 06 2023թ.

**Վահան Ալբերտի Իսախանյանին
Հասցե՝ ք. Երևան, Բակունցի փ., 11 շ., 13 բն.,**

Ուղարկվում է Ձեր դիմումի հիման վրա ՀՀ ՆԳՆ ոստիկանության պարեկային ծառայության վարչական բոլորքների քննության իրականացված վարչական բոլորքարկման վարույթի արդյունքում թիվ 8180297505 վարչական ակտը բեկանելու և վարչական իրավախախտման վերաբերյալ գործի վարույթը կարճելու մասին որոշման օրինակը:

Առդիր՝ << 2 >> թերթ:

**Պերի պարտականությունների
ժամանակավոր կատարող,
ոստիկանության գնդապետ**

Ա. Մաթևոսյան

Կատ.՝ Ո. Սահակյան

Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 11.05.2023թ-ին կայացված թիվ 8180297505 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<< 02 >> հունիս 2023թ.

ք.Երևան

ՀՀ ՆԳՆ ոստիկանության պարեկային ծառայության պետի պարտականությունների ժամանակավոր կատարող, ոստիկանության գնդապետ՝ Ա.Մաթևոսյանս, վերանայելով Վահան Ալբերտի Իսախանյանի (Այսուհետ՝ դիմող), (Ծանուցման հասցե՝ ք. Երևան, Բակունցի փ., 11 շ., 13 բն.,) 19.05.2023թ.-ի դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

11.05.2023թ.-ին՝ ժամը՝ 12:05-ին, Արագածոտնի մարզ Ագարակ Մ-1 ավտոճանապարհին՝ ՀՀ ՆԳՆ ոստիկանության պարեկային ծառայության Արագածոտնի մարզի գումարտակի պարեկ, ոստիկանության լեյտենանտ՝ Նվարդ Ղանդիլյանի կողմից կանգնեցվել է դիմողի վրած «ՄԻԹՍՈՒԲԻՇԻ» մակնիշի 883 CQ 61 հաշվառման համարանիշի տրանսպորտային միջոցը առանց տվյալ տրանսպորտային միջոցի համար կնքված գործող ԱՊՊԱ պայմանագրի վարելու համար:

«Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն կայացվել է թիվ 8180297505 որոշումը՝ դիմողին 100.000(մեկ հարյուր հազար) ՀՀ դրամի չափով տուգանելու մասին:

Դիմողը 19.05.2023թ.-ին դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով թիվ 8180297505 որոշումը, նշելով, որ տրանսպորտային միջոցը ունեցել է գործող ԱՊՊԱ պայմանագիր՝ ներկայացրել է թիվ SR 463402 վկայագրում փոփոխություններ կատարելու վերաբերյալ թիվ 2 համաձայնագիր և <<ՆԱԻՐԻ ԻՆՇՈՒՐԱՆՍ>> ՍՊԸ ապահովագրական ընկերության կողմից տեղեկանք:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում հարուցվել է վարչական բողոքարկման վարույթ:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ինչի արդյունքում պարզվել է, որ վարչական ակտը ենթակա է բեկանման՝ հետևյալ պատճառաբանությամբ.

«Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին» ՀՀ օրենքի 5-րդ հոդվածի 4-րդ մասի համաձայն՝ յուրաքանչյուր անձ պետք է մշտապես ունենա սեփականության իրավունքով իրեն պատկանող (ֆինանսական վարձակալության (լիզինգի) պայմանագրով իրեն տրամադրված) և Հայաստանի Հանրապետությունում հաշվառված յուրաքանչյուր ավտոտրանսպորտային միջոցի համար կնքված և գործող ԱՊՊԱ պայմանագիր:

Արգելվում է ընդհանուր օգտագործման ավտոմոբիլային ճանապարհներով ավտոտրանսպորտային միջոցի վարումը, եթե դրա համար առկա չէ այն վարելու պահին գործող ԱՊՊԱ պայմանագիր:

«Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն՝ առանց տվյալ տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու՝ Հայաստանի Հանրապետության տարածքում ընդհանուր օգտագործման ավտոմոբիլային ճանապարհներով տրանսպորտային միջոցը վարելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

ՀՀ ՆԳՆ ոստիկանության պարեկային ծառայողի կողմից տրված պարզաբանման համաձայն՝ քաղաքացի Վահան Իսախանյանի կողմից տրանսպորտային միջոցն առանց գործող ԱՊՊԱ պայմանագիր վարելու փաստը հայտնաբերվել է իրեն ամրակցված դյուրակիր համակարգչի ծրագրում, որի արդյունքում էլ կայացվել է համապատասխան որոշումը:

Ուսումնասիրելով դիմողի կողմից ներկայացված թիվ SR 463402 ԱՊՊԱ պայմանագրի լուսապատճենը և <<ՆԱԻՐԻ ԻՆՇՈՒՐԱՆՍ>> ՍՊԸ ապահովագրական ընկերության կողմից տրված տեղեկանքը պարզ է դառնում, որ «ՄԻԹՍՈՒԲԻՇԻ» մակնիշի (MMBMGV5H3PH000976 նույնացման համարի) 6038DF ժամանակավոր հաշվառման համարանիշի տրանսպորտային միջոցի համար կնքվել է ԱՊՊԱ պայմանագիր 21.04.2023թ.-ին, որը դարձել է գործող 21.04.2023թ.-ին, ժամը՝ 17:43:

Ըստ ՀՀ կառավարության 1251 որոշմամբ հաստատված ՃՈ էլեկտրոնային ռեգիստրի և Հայաստանի ապահովագրական ընկերությունների ավտոապահովագրական «ASWA» էլեկտրոնային կայքէջի տվյալների, «ՄԻԹՍՈՒԲԻՇԻ» մակնիշի 883 CQ 61 հաշվառման համարանիշի տրանսպորտային միջոցը 11.05.2023թ.-ին՝ ժամը 12:05-ի դրությամբ ունեցել է գործող ԱՊՊԱ պայմանագիր:

«Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 1-ին մասի ա) կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է՝ օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման, եթե բացակայում է վարչական իրավախախտման դեպքը կամ կազմը:

Այսպիսով, ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասով և 293-րդ հոդվածի 1-ին մասի 3-րդ կետով՝

1. Ո Ր Ո Շ Ե Ց Ի

2. ՀՀ ՆԳՆ պարեկային ծառայության վարչական իրավախախտման վերաբերյալ գործով 11.05.2023թ. կայացված թիվ 8180297505 որոշումը բեկանել և վարչական իրավախախտման վերաբերյալ գործի վարույթը կարճել:

3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

4. Սույն որոշման օրինակն ուղարկել դիմողին և ՀՀ ՆԳՆ պարեկային ծառայության Արագածոտնի մարզի գումարտակ

**Պեդի պարտականությունների ժամանակավոր
կապարտող, ոստիկանության գնդապետ՝**

Ա. Մաթևոսյան